

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO**

**Stručna služba za zajedničke poslove**

Broj: 17-14-31509-12

Sarajevo; 04.12.2017. godine

Na osnovu člana 64. stav (1) tačka b) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa odredbama Pravilnika o uslovima i načinu korištenja e-Aukcije („Službeni glasnik BiH“, broj: 66/16), u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst) na preporuku Komisije za nabavku roba u postupku javne nabavke pod nazivom "Nabavka i isporuka računara i računarske opreme za potrebe organa Kantona Sarajevo", za LOT 1 – računari PC (Zapisnik o pregledu i ocjeni ponuda broj: 17-14-31509-11 od 23.11.2017. godine, načelnik Stručne službe za zajedničke poslove Kantona Sarajevo, d o n o s i:

**ODLUKU  
o izboru najpovoljnijeg ponuđača**

**Član 1.**

Prihvata se Preporuka Komisije za nabavku roba u postupku javne nabavke za **LOT 1 – računari PC** i dodjeljuje se ponuđaču **„PRINTEX” d.o.o. Sarajevo**, prema dostavljenoj ponudi broj: 120/17 od 14.11.2017. godine, ukupne vrijednosti od **42.000,00 KM (bez PDV-a)**.

**Član 2.**

Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude.

Izabrani ponuđač je dužan dostaviti dokaze ( original ili ovjerene kopije po članu 45. stav (1) tačka a) do d), i ovjerene kopije po članu 47. stav (1) tačka c) – Bilans stanja i bilans uspjeha za 2016. godinu, u skladu sa Zakonom o javnim nabavkama BiH u roku od 5 (pet) dana, nakon što svi ponuđači budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa odredbama tenderske dokumentacije.

U slučaju da izabrani ponuđač propusti da dostavi originalne dokaze ili ovjerene kopije u navedenom roku ili dostavi neprihvatljive dokaze, ova odluka će se poništiti.

**Član 3.**

Ova odluka objavit će se na web stranici ugovornog organa, [www:http://www.sszp.ks.gov.ba](http://www.sszp.ks.gov.ba), istovremeno sa upućivanjem iste ponuđačima koji su učestvovali u postupku javne nabavke.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 17-14-31509 od 03.11.2017. godine – Nabavka i isporuka računara i računarske opreme za potrebe organa Kantona Sarajevo. Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke za LOT 1 – računari PC bez PDV-a iznosi 42.100,00 KM. Za predmetnu nabavku objavljeno je dodatno obavještenje o nabavci na portalu javnih nabavki pod brojem 1230-7-1-80-3-61/17 dana 03.11.2017. godine u 16:11 h.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka konkurentskog zahtjeva sa dodatnom objavom obavještenja na portalu javnih nabavki, Komisija je dostavila pozive sljedećim ponuđačima: 1. "GODIMERC" d.o.o. Sarajevo; 2. "BBS" d.o.o. Sarajevo; 3. "R & S" d.o.o. Sarajevo; 4. "PLUS BA" d.o.o. Sarajevo. Rok za dostavu ponuda bio je 14.11.2017. godine do 14,00 h. Za navedenu javnu nabavku u predviđenom roku i uredno zatvorenim kovertama, dostavljene su ponude od sljedećih ponuđača:

### LOT 1 – računari PC

R.br.	PONUĐAČ
1.	„PRINTEX“ d.o.o. Sarajevo
2.	„R & S“ d.o.o. Sarajevo
3.	„INTER-COM“ d.o.o. Zenica
4.	„KODEKS“ d.o.o. Sarajevo
5.	„ASPO RAIL“ d.o.o. Sarajevo

U skladu sa Odlukom o pokretanju postupka, Komisija za nabavku roba formirana *Odlukom o imenovanju: broj 17-05-31300 od 20.10.2017. godine* provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu za dostavu ponuda. Zapisnik o pregledu i ocjeni ponuda broj: 17-14-31509-11 od 23.11.2017. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda pet (5),
- da je blagovremeno zaprimljeno ukupno pet (5) ponuda,
- da nema neblagovremeno zaprimljenih ponuda,
- da su ponude ponuđača "PRINTEX" d.o.o. Sarajevo, "R & S" D.o.o. Sarajevo, "INTER-COM" d.o.o. Zenica, "KODEKS" d.o.o. Sarajevo i "ASPO RAIL" d.o.o. Sarajevo formalno-pravno ispravna, odnosno ispunjava formalno-pravne uslove za učešće u kvalifikacijama, kao i tehničke karakteristike i druge uslove propisane od strane ugovornog organa,
- da su cijene u ponudama ponuđača "R & S" D.o.o. Sarajevo, "INTER-COM" d.o.o. Zenica, "KODEKS" d.o.o. Sarajevo i "ASPO RAIL" d.o.o. Sarajevo, znatno veće od procijenjene vrijednosti za navedeni LOT, te se iste odbijaju iz predmetnog postupka javne nabavke.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Obzirom da je tenderskom dokumentacijom predviđena e-Aukcija, ista nije zakazana iz razloga što nisu ispunjeni uslovi za provođenje iste u skladu sa članom 3. stav (3) Pravilnika o uslovima i načinu korištenja e-Aukcije ("Službeni glasnik BiH", br. 66/16). Kako je ponuda ponuđača "PRINTEX" d.o.o. Sarajevo jedina prihvatljiva za LOT 1 - računari PC, postupak se okončava u skladu sa članom 69. stav (1) tačka a) Zakona o javnim nabavkama.

Komisija za nabavku roba je sačinila rang listu prihvatljivih ponuđača za postupak javne nabavke za LOT 1 – računari PC kako slijedi:

<i>Red.br.</i>	<i>NAZIV PONUDAČA</i>	<i>Ukupna cijena bez PDV-a (KM)</i>
1	„PRINTEX” d.o.o. Sarajevo	42.000,00


U skladu sa kriterijem „najniža cijena”, **ugovor se dodjeljuje ponuđaču „PRINTEX” d.o.o. iz Sarajeva**, ukupne vrijednosti od **42.000,00 KM (bez PDV-a)**, odnosno **49.140,00 KM (sa PDV-om)**. Za predmetnu nabavku će se zaključiti ugovor.

**Pouka o pravnom lijeku:** Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



NAČELNIK

Fikret Jašarević

Pripremila: Samira Duraković, dipl.iur.  
Kontrolisao: Sedin Kozadra, dipl.ecc.

Prilog:

1. Zapisnik o pregledu i ocjeni ponuda broj: 17-14-31509-11 od 23.11.2017.godine

Dostaviti:

1. Svim učesnicima u postupku
2. a/a